

《中國地方志薈萃》編委會 編

中國地方志薈萃

中南卷·第一輯 貳

中國地方志薈萃

中南卷・第一輯

貳

《中國地方志薈萃》編委會 編



九州出版社
JIUZHOU PRESS

全國百佳圖書出版單位

乾隆黃州府志（二）

出版說明

乾隆黃州府志（二）

（清）王勅修 靖道謨纂

黃州府志卷之七

知黃州府事關中王 勅纂輯

職官志

藩封

宋儒論治謂封建不行皆苟道也旨哉斯言古者大國地不過百里則耳目易周世守相傳則聞見必悉凡地形之險易風俗之醇澆民情之誠僞如周身之血脉呼吸相通故化易行俗易阜也自秦以後古制蕩然卽有封爵或居其地不必治其民或係以名並不居其地亦

或連城數十止以私其子弟親戚而非先王度地定制
分土子人之章蓋封建之名存而實亡久矣况歷代定
都多在西北黃介在南服苴茅胙土落落若晨星哉然
古制可師餼羊足愛聿稽徃籍臚列於篇

周

弦

春秋

惠王二十二年楚人滅弦弦子奔黃

晉書地理志西陽弦

子國明一統志西陽城在黃岡縣境漢舊縣屬江夏晉弋陽郡治此

邾曹姓子爵祝融之後楚宣王滅邾遷其君於此

前漢

衡山王吳芮

本傳

秦時番陽令也沛公攻南陽遇芮之

將梅鋗與偕攻析酈降之漢元年立芮爲衡山王都
邾五年徙封長沙

軼侯黎朱倉

功臣表

以長沙相侯七百戶孝惠二年封

高后三年子孝侯祐嗣孝文十六年子彭祖嗣至宣
帝元康四年蒼玄孫之子簪裹漢詔復家

後漢

蘄春侯陳浮

陳俊傳

建武十三年增俊邑定封祝阿侯

二十三年卒子浮嗣徙封蘄春侯浮卒子專諸嗣專

諸卒子篤嗣

軼侯王符

王霸傳

建武三十年封淮陵侯永平二年以

病免後數月卒子符嗣徙封軼侯符卒子度嗣度卒

子歆嗣

晉

西陽王司馬羨

汝南王亮傳

亮有五子粹矩羨宗熙羨

字延年太康末封西陽縣公亮之被害也羨時年八

歲鎮南將軍裴楷與之親姁竊之以逃一夜八遷故

得免及瑋誅進爵爲王元康初進封郡王永興初以

長沙王又黨廢爲庶人惠帝還洛復美封以汝南期思西陵益其國永嘉初復以郗靳春益之咸和初坐弟南頓王宗免官降爲弋陽縣王及蘓峻作亂美詣峻稱述其勲峻矯詔復美爵位峻平賜死國除

宋

西陽王劉子尚與沈休文善孝建三年封

西陽縣侯蕭道成元嘉二十九年以討賊功封後爲齊

高帝

南齊

西陽王蕭子明

武十七王傳

子明字雲光世祖第十子

蔡婕妤所生永明元年封武昌王三年失國璽改封

西陽建武二年誅蕭謚誣子明及弟子罕子貞與謚

同謀見害年十七

西陽王蕭子文

武十七王傳

子文字雲儒世祖第十七

子庾昭容所生永明七年封蜀郡王建武中改封西

陽王永泰元年見殺年十四

梁

西陽王蕭大鈞

太宗十一王傳

大鈞字仁輔包昭華所

生性厚重年七歲高祖嘗問讀何書對曰學詩因命
諷誦音韻清雅因賜王羲之書一卷大寶元年封西
陽郡王二年爲侯景所害年十三

西陽王蕭圓滿武陵王紀第二子後與紀俱死

陳

西陽王陳叔穆

高宗二十九王傳

叔穆字子和高宗第

二十三子楊姬所生至德元年立爲西陽王禎明三
年入關卒於長安

魏

西陽郡公樊子鵠北史本傳子鵠代郡平城人也以功

累封至西陽郡公後爲兖州刺史孝武帝入關子鵠

據城爲應齊神武遣婁昭等討之左右斬子鵠以降

按魏書作南陽郡公恐誤

北齊

齊安王廓

武成十二王傳

廓字仁弘武成第四子後宮

所生性長者無過行後與後主死於長安

北周

齊安郡公李徹朔方巖綠人以平陳功進爵

西陽公宇文溫宣帝時封

隋

靳春郡公達奚長儒

本傳

長儒字富仁代人也高祖受

禪進位上大將軍封靳春郡公累轉至荊州總管卒

諡曰威

北史作靳郡公

唐

永安壯王孝基

宗室傳

太祖子瑋仕周爲梁州刺史卒

生二子曰韶曰孝基孝基武德初封永安王二年將

兵討劉武周師敗爲賊所害

靳王緝十一宗諸子傳順宗子緝咸通二年封八年薨

後周

靳王熙誨周世宗家人傳世宗子顯德六年封宋乾德

後不知所終

宋

齊安郡公趙仲郃邾王之後孝友惇謹善守法度以黃

州刺史封

齊安郡公趙士儂紹興中判宗正寺詣河南修陵寢還

封後以百口保岳飛死忤秦檜放於建州

蘄王韓世忠

本傳

世忠字良臣陝西延安人以中興功

建炎十三年封咸安郡王孝宗朝追封蘄王

明

蘄水靖和王貴燬

諸王世表

遼簡王植子正統二年封

成化七年子安穆王豪桂嗣弘治十四年子康順王

恩鉅嗣嘉靖十二年子僖簡王寵澍嗣嘉靖十九年

子端懿王致禧嗣萬歷十七年子榮順王憲煜嗣萬

歷三十三年子術輦嗣

按一統志蘄水王府建於荊州今因其名係黃州牧之

蘄獻王瞻垠

諸王傳

仁宗第四子初封靜樂王永樂十

九年薨諡莊獻仁宗卽位追加封諡無後

荆憲王瞻埈

諸王傳

仁宗第六子永樂二十二年封宣

德四年就藩建昌正統十年徙蘄州景泰四年子靖
王祁鎬嗣天順五年子見瀟嗣以罪賜死弘治七年
以見瀟弟見溥子祐櫜嗣爲荆和王十七年子端王
厚烜嗣嘉靖三十二年厚烜薨子永定王載壘巳前
卒其子恭王翊鉅嗣隆慶四年子敬王常澐嗣萬曆
四年薨無子弟康王常璽由安成王嗣萬曆二十五
年子定王由樊嗣天啓二年子慈栗嗣崇禎十六年

正月張獻忠陷蘄州慈栗先一月薨

都昌定惠王祁鑑荆憲王第二子正統八年封鑑子懷
順王見潭潭子倬僖王祐鵠鵠子厚熙熙子載塔相
繼嗣王塔一子翊鐸先卒國除

都梁悼惠王見溥荆靖王第二子成化二年封子祐櫜
嗣荆藩國遂廢

樊山溫懿王見灝荆靖王祁鎬第三子成化三年封正
德四年子莊和王祐構嗣嘉靖十一年子恭恪王厚
煥嗣嘉靖三十六年子載坫嗣坫折節恭謹以文行